

CATHOLIC BUPI CHUNGAH A BIAPI MI HMELCHUNHNAK HNA

JESUH PUNG A CUANNAK VAILAMTAH TUNG



(CRUCIFIX)Crucifix Vailamtahnak tung kan ti tikah Minung kan sualnak caah Jesuh cu Vailamtah tung cungah a thiang mi raithawinak in thihnak a innak pung (milem) kha kan hmuh lai. Vailamtahnak tung par ah, “JUDAH SIANGPAHRANG, NAZA-RET KHUAMI JESUH” tinak kha a tawinak in (INRI) timi ca zong kha kan hmuhchih tawn.

ALPHA LE OMEGA



Alpha le Omega ti mi cu Greek cacang ah a hmaisabik cafang le a donghnak bik cafang a si. Cu cafang hmannak sullam cu Bawi Jesuh aiawh a si i, Bawipa cu sertu a hramthawk le a donghnak a sinak kha a langhter mi cafang peh a si.

BAWI JESUH A THIHNAK VAILAMTAH (The Cross)



Vailamtah kan ti ahcun Bawi Jesuh hmanthlak aa tello mi Fonhnak hmehchunhnak muisam vailamtah kha a sawh. Khrihfa hna caah cun Vailamtah cu Bawipa Jesuh thihnak a innak le a thawh`hannak a langhter mi, mitampi nih theih hngalh mi hmehchunhnak pakhat a si. Zumlo tu hna hmanh nih zapi uarmi hnipuan pungsan an suai theo ve.

ZAANGFAH THIAM LUNG HMANTHLAK




Lung hmanthlak (zuk) cu Catholic pawl nih upat an pek ngai mi hmehchunhnak pakhat a si. Lung kha hling`e in a zelh i fei chunhnak hmape le mei muisam in an suai tawn. Minung caah Jesuh Khrih a temhin- nak, a dawtnak hna kha a `habik in muisam cuanter mi hmehchunhnak pakhat a si i Catholic pawl nih an uar ngai mi a si.

IHS



I H S ti mi zong hi Jesuh Khrih a langhter mi a si ve. Greek holh in an tial mi I H Σ O Y Σ ti mi Bawipa Jesuh min a hmaibik cafang hna kha an lak i an langhter mi a si. Voitam deuh cu Bawipa Thisa Sacrament he hmunkhat in kan hmuh tawn.

NGA



Nga muisam hmelchunhnak cu khahlan bik Khrihfa hna hmelchunhnak hna lakah pakhat a si. Khrihfa hna kha an hrem i an thah lio chan ahcun, Khrihfa pakhat le pakhat pehtlainnak ah 'Nga' muisam an i suaipiak tawn tiah kan theih bal.

FLEUR-DE-LIS



Fleur-de-lis ti mi cu Lily pangpar kauthuam kha a hramlei tommi muisam in hmuh a si. Pangpar kau pathuam cu Pathian pakhat i a um mi minung pathum ai-awh a si i a tomnak sullam cu Bawi Nu Mary ai-awh a si, tiah an ti.

KALHKEH (PAIKHAL) TAWH PAHNIH



Hi hmelchunhnak cu Pope le Vatican ai-awh mi tacik a si tiah mi tampi nih theih a si. Bawipa Jesuh nih Peter kha Vancung Pennak tawh a pek tak ti mi sullam le a changchang St. Peter rocotu Pope i NawIngeihnak kha a langhter mi a si.

THURO



Thuro cu Thiang Thlarau ai-awhtu a si ti kha Khrihfa kip nih theih a si. Asinain thuro nih Olive hnah`e kha a seh i a cawitu ahcun Pathian Veel pakhat a si mi Daihnak kha a langhter mi a si.

TUU FATE



Hi hmelchunhnak cu Thianghlimnak le sualngeih lonak kha a langhter i Bawipa Jesuh a langhter duhnak a si ko. Teinak Aalan he peh in kan hmuh a si ahcun Bawipa Jesuh Thihnak atei hmelchunhnak kha a si.